



Apeqqutegaat aallaavigalugu siunnersuut, Kalaallit Nunaata sakkulersorfiunngilluinnarnissaata suut pitsaaqutigalugillu ajoqutiginerai.

(Inatsisartunut ilaasortaqaq Anna Wangenheim, Demokraatit)

Qujanaq Demokraatit Inatsisartunut ilaasortaataannut Anna Wangenheim-imut siunnersuuteqarneranut.

24. maj 2022 Rusland Ukraine-mut sorsulerpoq. Sillimaniarnermut politikki nunarsuarmi taamaasilluni allanngorujussuarpoq. Sorsunneq suli ingerlavoq, Ukraine nukittuunik sakkutooqarmat, nunaminnik illersuisunik.

Præsident Zelinsky Ukrainep sakkulersorfiunngilluinnarnissaanik aalajangersimagaluarpat, Ukraine piioneerutereersimassagaluarpoq. Sakkutooqarneq taamaammatt pingaaruteqartuusinnaavoq. Illersornissaq pingaartuuvoq.

Qularutissaanngilaq, nunarsuaq inuuffigissallugu pitsaanerusimassagaluarpat, sorsuttoqartanngikkaluarpat. Nunarsuaq sakkulersorfiunngilluinnaraluarpat. Piviusorli taamaanngilaq. Piviusoq unaavoq, sorsuttoqartarlunilu isumaqatigiinngittoqartarmat. Allatut ajornartumik taamaappoq, paatsuugassaannngitsumillu toqqaasariaqarpugut.

Demokraatit toqqarpaat nunarsuup kitaani, tamat oqartussaaqataanerannik atuisoq. NATO USA-lu toqqarpagut. Kalaallit Nunaata nunarsuarmi inissisimanagera pissutaalluni, USA-mut pingaaruteqarpugut. Tamanna nuannaarutigisariaqarparput. Taamaammallu nunarsuarmi inissisimanagerput pissutaalluni, Ruslandimut aamma pingaaruteqarluta. Demokraatit soorunami kissaatiginngilaat, Putin-ip saassutasaanut tulliuinissarput. Taamaattumik akuerisariaqarparput nunatsinni sakkutooqarnissaq. Sakkutooqarneq Putin-imut assigisaanullu neriulluta ersisaarutaasinnaasoq. Sakkutooqarnerup nunatsinni kiffaanngissuseq tamallu oqartussaaqataanerat ilaatigut qulakkeersinnaavaa.

Kalaallit Nunaat nunaavoq pingaarutilik. Nuna soqutiginarpoq. Sakkulersorfiunngilluinnarnissaanik isummerneq nunarput qajannartunngortissavaa. Putin-illu Ukraine-mut sorsulernermini takutippaa, piareersimalluni annertuunik sakkortuunillu iliuuseqarsinnaalluni Rusland nunatut angissutsimigut pissaanilissuunngortinniarlugu.

NATO-p USA-llu suleqatiginerisigut qulakkiissavarput, Rusland-ip nunatsinni sakkulersornissaminut eqqarsaateqarnissani qunugissagaa. Tamanna sakkutuulersuinissamik pisariaqartitsivoq. Kalaallit Nunaata sakkulersorfiunngilluinnarnissaanik eqqarsaat ajoraluartumik ikkappallaarpoq. Sakkutuulersuinissap kingunerissavaa, unnuakkut toqqissisimalluta sinissinnaanissarput, ullaakkullu itinnginnissarput nalunaarummut, pissaanilissuup nunarput tiguarsimagaa.

Tassalu Demokraatit oqallinnermut uunga isummersuutigigallagaat.



DEMOKRAATIT
DEMOKRATERNE